

Newsletter 2. kvartal 2026.



Gesellschaft Bosnischer Akademiker in Österreich
Bosansko Akademsko Društvo u Austriji

Susret članova i sponzora BADA: Razmjena ideja i planova



Gesellschaft Bosnischer Akademiker
in Österreich



Druženje članova i sponzora Bosanskog Akademskog Društva u Austriji (BADA) održano je 20. maja u Beču. U prijatnoj i gotovo porodičnoj atmosferi razmijenjena su mišljenja, ideje i planovi za buduće projekte BADA-e. Posebno je naglašena važnost nastavka aktivnosti na priznavanju bosanske manjine u Austriji kao važnog temelja očuvanja i razvoja bogatog bosanskog identiteta u ovoj zemlji i Evropi.

Sponzori su predstavili svoje firme i područja djelovanja, kao i spremnost da međusobnom saradnjom i podrškom doprinesu bržem pojedinačnom razvoju, ali i jačanju cijele zajednice. Istaknuta je i potreba da ovakva druženja postanu redovna praksa, jer bosanska zajednica u Austriji predstavlja primjer otvorenosti, međusobnog uvažavanja i njegovanja cjelovitog bosanskog identiteta bez podjela i granica.

Više informacija na našoj [Facebook](#) stranici



Gesellschaft Bosnischer Akademiker
in Österreich

Međunarodna UN konferencija o Srebrenici

Povodom obilježavanja 31. godišnjice genocida u Srebrenici, Bosansko Akademsko Društvo u Austriji, u saradnji sa Stalnom misijom Bosne i Hercegovine pri OSCE-u i UN-u u Beču, organizuje komemorativnu konferenciju pod nazivom: **“Sjećanje, refleksija, pomirenje: U duhu rezolucije UN-a o Srebrenici”**.

Konferencija se održava u svjetlu usvajanja rezolucije Generalne skupštine Ujedinjenih nacija, kojom je 11. juli proglašen Međunarodnim danom sjećanja i komemoracije genocida u Srebrenici 1995. godine. Cilj konferencije je podsticanje dijaloga o miru, sjećanju i pomirenju, kao i naglašavanje važnosti očuvanja istine, kulture sjećanja i učenja iz prošlosti.

Bosansko Akademsko Društvo u Austriji, kao organizacija sa specijalnim savjetodavnim statusom pri Ujedinjenim nacijama, ovim događajem želi doprinijeti globalnoj poruci nade, odgovornosti i zajedničke posvećenosti miru.

Više informacija možete pronaći na našoj [web-stranici](#)

International Conference

Commemorate, Reflect, Reconcile:
In the Spirit of the UN Resolution on
Srebrenica

United Nations
Vienna



3 July 2026



14:00

Registration: events@bhakademiker.org



Gesellschaft Bosnischer Akademiker in Österreich
Bosansko Akademsko Društvo u Austriji

www.bhakademiker.org

Potpisan memorandum o saradnji

3. juna 2026. godine, u Beču je potpisan Memorandum o saradnji između **Ureda Vlade Kantona Sarajevo za dijasporu** i **Bosanskog Akademskog Društva u Austriji** (BADA). Ovaj memorandum predstavlja važan korak ka jačanju institucionalne saradnje i očuvanju bosanskog jezika, kulture i identiteta.

Tokom sastanka razgovarano je o budućoj saradnji između Ureda, osnovanog 2024. godine, i BADA, najstarije bosanske akademske zajednice u dijaspori, osnovane 1994. godine. BADA nastavlja svoj rad na jačanju bosanske zajednice u Austriji i zalaganju za priznavanje bosanske nacionalne manjine.

Također, BADA je tokom susreta primila svečanu verziju zastave Bosne i Hercegovine, koja će se koristiti na značajnim manifestacijama. Ovaj simbolični gest dodatno osnažuje veze između bosanske dijaspore i domovine, te doprinosi zajedničkim ciljevima i aktivnostima.

Više informacija na našoj [Facebook](#) stranici

Predstava „Kafana“: Priča o identitetu i pripadnosti



Gesellschaft Bosnischer Akademiker
in Österreich



Uspješna predstava „Kafana“ našeg reditelja i člana Bosanskog Akademskog Društva u Austriji, Sandyja Lopičića izvedena je u Grazu jedanaest puta, od 8. maja do 25. juna, u teatru „Schauspielhaus Graz“.

„Kafana“ je priča o Banetu i Jani, jugoslavenskim gastarbajterima koji 1975. godine u Austriji otvaraju kafanu. Kada im zaprijeti rušenje lokala, spas pronalaze u ideji da ga pretvore u kulturno društvo.

Polazeći od vlastitog bosanskog porijekla, autor i reditelj Sandy Lopičić duhovito preispituje tradiciju, identitet i osjećaj pripadnosti. Uz spoj rock muzike sedamdesetih godina i balkanskih muzičkih motiva, na sceni nastupa osmero glumaca, uz pratnju njegovog četveročlanog benda.

Više informacija na našoj [Facebook](#) stranici

MELETTA 2026

Rad za mir. Komemoracija na Monte Meletta-Fior



Gesellschaft Bosnischer Akademiker
in Österreich



Monte Meletta-Fior, Italija, 6. juna 2026. godine – Predstavници Italije, Bosne i Hercegovine i Austrije okupili su se kako bi obilježili 110. godišnjicu bitke na Monte Meletta-Fior.

Prisutnima su se obratili gradonačelnik Foze Bruno Oro i general italijanske vojske Pino u ime Italije, pukovnik Wildberger u ime Austrije te general Ajnadžić u ime Bosne i Hercegovine.

U svim obraćanjima naglašena je važnost nastavka ovog mirovnog projekta, s ciljem da buduće generacije kroz njegovanje kulture sjećanja i međusobnog razumijevanja spriječe ponavljanje velikih tragedija i ratova u Evropi.

Na kraju manifestacije, nakon polaganja vijenaca kod spomenika, predsjednik Bosanskog Akademskog Društva u Austriji, Siradj Duhan uručio je fes novom gradonačelniku Foze i italijanskom generalu. Istakao je da fes, nekada simbol koji je kod protivničkih vojski izazivao strahopoštovanje, danas treba posmatrati kao znak pomirenja među narodima i državama. Njegove riječi prisutni su prihvatili s velikim simpatijama.




Više o historijskoj pozadini ovog događaja dostupno je na našoj [web-stranici](#)

Poziv na izložbu SAKURA LUCIDA



Gesellschaft Bosnischer Akademiker
in Österreich



Sa zadovoljstvom najavljujemo izložbu našeg člana Emira Ramovića pod nazivom „Sakura Lucida“, koja će se održati u Atelierhausu C21 u Beču. Ova izložba predstavlja važan korak u njegovom umjetničkom istraživanju i pruža priliku za upoznavanje s njegovim jedinstvenim pristupom.

Emir Ramović je multidisciplinarni umjetnik, arhitekta i dizajner, rođen 1984. godine u Sarajevu, arhitekta i dizajner koji živi u Beču od 2012. godine. Njegov rad spaja arhitekturu, umjetnost i dizajn, stvarajući prepoznatljiv autorski izraz.

Kao osnivač BOYA Concepts GmbH, razvija projekte koji kombiniraju umjetnički izraz i dizajn enterijera. Ramović već više od dvadeset godina razvija vlastitu umjetničku praksu kao slikar, a u periodu od 2015. do 2018. godine dodatno se usavršavao na Univerzitetu primijenjenih umjetnosti u Beču.

Njegov rad, prepoznat na međunarodnoj sceni, uključuje projekte poput „Miraculum“, koji je osvojio prestižnu nagradu BIG SEE Interior Design Award. U svojoj novoj seriji radova, „Sakura Lucida“, koristi sakuru kao simbol, istražujući složene odnose između forme, sjećanja i percepcije.



Gesellschaft Bosnischer Akademiker
in Österreich

837.

bosnischer JAHRESTAG

Rođendan BOSNE

& Dan međdržavnih dobrosusjedskih
odnosa

Tag der zwischenstaatlichen
gutnachbarschaftlichen Beziehungen

BADA AWARD 2026:
WissenschaftlerIn / Naučnik·ca
KünstlerIn / Umjetnik·ca
Studierende / Student·ice



02.10.2026

DIPLOMATISCHE AKADEMIE WIEN

Favoritenstraße 15a
1040 Wien

Više informacija možete pronaći na našoj [web-stranici](#)

BADA – Privredni skup 2026



Gesellschaft Bosnischer Akademiker
in Österreich

PROGRAM: BH Dream Makers - od ideje do poslovnog uspjeha

- 13:30-13:55 **Belma Ćemalović, MSc., MA: Uspjeh u oku posmatrača**
Senior Innovation Consultant and International Project
Manager (Science Park Graz)
- 14:00-14:20 **Suad Ferhatbegović, MA: Ljudi kao pokretač uspjeha**
Osnivač - Managing Partner (Ambicon)
- 14:25-15:05 **PAUZA ZA NETWORKING**
- 15:10-15:30 **Dr. Imran Mehić, MBA: Branding kao snaga uspjeha**
Osnivač - CEO (Sultan Drinks)
- 15:35-16:15 **PAUZA ZA NETWORKING**
- 16:20-16:40 **Mag. Svjetlana Vulin: Digitalna vidljivost kao put do uspjeha**
Osnivačica - CEO (Digital Cocoon)
- 16:50-17:30 **Panel diskusija sa učesnicima skupa**
- 17:30-17:40 **Zatvaranje skupa**
- 17:40-20:00 **Networking**

Pridružite nam se na **Privrednom skupu** u organizaciji Bosanskog Akademskog Društva u Austriji (BADA) – platformi za povezivanje stručnjaka i poduzetnika, razmjenu iskustava i širenje poslovne mreže.

Šta možete očekivati ove godine:

- Ove godine, skup pod temom „**BH Dream Makers - od ideje do poslovnog uspjeha**“ fokusira se na ključne faktore koji oblikuju uspjeh kroz različite perspektive i iskustva predavača.
- Kroz teme poput percepcije uspjeha, uloge ljudi kao pokretača razvoja, te značaja brendiranja, učesnici će dobiti jasan uvid u savremene pristupe poslovanju.
- Poseban akcenat stavljen je na digitalnu vidljivost kao neizostavan faktor rasta i konkurentnosti u današnjem poslovnom okruženju.

Ovaj skup predstavlja izuzetnu priliku za sve koji žele učiti, profesionalno napredovati i aktivno doprinosti razvoju poslovne zajednice. Učestvovanjem, ujedno podržavate rad i aktivnosti Bosanskog akademskog društva u Austriji.

Karte možete rezervirati i kupiti putem ovog [linka](#)

Poziv naučnicama i naučnicima!

- Pozivamo mlade naučnike i naučnice bosanskog porijekla iz cijelog svijeta da se prijave za nagradu Naučnica/Naučnik 2026, koju dodjeljuje Bosansko Akademsko Društvo u Austriji. Nagrada se dodjeljuje iz područja prirodno-tehničkih nauka i društvenih nauka.

BADA AWARD

SCIENTIST OF THE YEAR 2026
NATURAL AND TECHNICAL SCIENCES



Bosnian Academic Society in Austria

in cooperation with:



BADA AWARD

SCIENTIST OF THE YEAR 2026
SOCIAL SCIENCES, HUMANITIES AND CULTURAL STUDIES



Bosnian Academic Society in Austria

in cooperation with:



Više informacija: prirodno-tehničke nauke / društvene nauke

Poziv umjetnicama i umjetnicima!

- Pozivamo mlade umjetnice i umjetnike bosanskog porijekla iz cijelog svijeta da se prijave za nagradu Umjetnik/Umjetnica 2026, koju dodjeljuje Bosansko Akademsko Društvo u Austriji. Ova prestižna nagrada dodjeljuje se za izuzetna umjetnička ostvarenja u različitim oblastima umjetnosti.

BADA AWARD ARTIST OF THE YEAR 2026

- Rok za prijavu: 29. august 2026. godine
- Prijave na: awards@bhakademiker.org
- Više informacija na [web-stranici](#).



Bosnian Academic Society in Austria

in cooperation with:



Poziv studenticama i studentima!

Bosansko Akademsko Društvo u Austriji i ove godine nagrađuje najbolje studentice i studente bosanskog porijekla koji studiraju na univerzitetima u Republici Austriji.

Pozivamo studentice i studente bosanskog porijekla koji studiraju na univerzitetima u Republici Austriji da se prijave.

Nagrade se dodjeljuju u četiri kategorije

- za prirodne/tehničke i društvene nauke,
- za bachelor i master studij (ukupno 8 nagrada).

- Rok za prijavu je 29. august 2026. godine.
- Prijave na: awards@bhakademiker.org



Više informacija možete pronaći na našoj [web-stranici](#)

BADA manifestacije u 2026. godini



Gesellschaft Bosnischer Akademiker
in Österreich

27.02.26

Konferencija Bosna i Hercegovina u EU
Beč, Parlament Austrije

05.06.26

Obilježavanje 110. godišnjice bitke na Monte Meletta-Fioru
Italija, Monte Meletta-Fior

03.07.26

Međunarodna konferencija o miru povodom 31. godišnjice genocida u Srebrenici.
Sjedište Ujedinjenih nacija u Beču

04.09.26

837. Rođendan Bosne / Povelja bana Kulina / Dan međdržavnih dobrosusjedskih odnosa
Srednja Bosna, Bugojno

12.09.26

Privredni skup
Graz

02.10.26

837. Rođendan Bosne / Povelja bana Kulina / Dan međdržavnih dobrosusjedskih odnosa
Diplomatische Akademie Wien, Beč

25.10.26

Posjeta vojnom groblju u Lebringu
Vojno groblje Lebring

